

Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-617-8/24
Sarajevo, 01.07.2024. godine

Na osnovu čl. 69. stav (1) tačka b) i 70. st. (1), (3) i (6) Zakona o javnim nabavkama ("Službeni glasnik BiH" broj: 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH" broj: 103/14), na Preporuku Komisije za nabavku, broj: 06-11-617-5/24 od 28.06.2024. godine, u postupku javne nabavke roba: "Deterdženti za industrijsku mašinu za pranje veša", direktor Kantonalne uprave civilne zaštite Kantona Sarajevo *d o n o s i*

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javnu nabavku, broj: 06-11-617-5/24 od 28.06.2024. godine i ugovor o nabavci roba u postupku javne nabavke roba: "Deterdženti za industrijsku mašinu za pranje veša", dodjeljuje se ponuđaču HAGLEITNER HYGIENE d.o.o., ul. Kninska b.b., 74400 Derventa, prema ponudi broj: 01-6/24 od 17.06.2024. godine, za ponuđenu cijenu u iznosu od 12.664,45 KM bez PDV-a, kao najpovoljnijem ponuđaču.

Član 2.

Najpovoljniji ponuđač je dužan dostaviti original ili ovjerenu kopiju dokumenata iz člana 45. stav (1) tačka a) do d) Zakona o javnim nabavkama ("Službeni glasnik BiH" broj: 39/14 i 59/22) u roku od 5 (slovima: pet) dana, računajući od dana kada je obaviješten o izboru najpovoljnije ponude, ukoliko isti nisu dostavljeni uz ponudu i to na način i u formi kako je zahtijevano tenderskom dokumentacijom za predmetni postupak javne nabavke.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 10 (slovima: deset) dana, računajući od dana kada je ponuđač obaviješten o izboru najpovoljnije ponude.

Član 4.

Ova odluka će se objaviti, u skladu sa članom 70. stav (6) Zakona o javnim nabavkama ("Službeni glasnik BiH" broj: 39/14 i 59/22), na web stranici Kantonalne uprave civilne zaštite Kantona Sarajevo (www.kucz.ks.gov.ba) i istovremeno će se uputiti ponuđačima koji su učestvovali u ovom postupku javne nabavke.

Član 5.

Za realizaciju ove odluke zadužuje se Sektor za materijalno-finansijske poslove Kantonalne uprave civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom budžeta Kantona Sarajevo.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 06-11-617/24 od 10.06.2024. godine.

Predmetni postupak nabavke je proveden putem konkurentskog zahtjeva za dostavu ponuda.

Procijenjena vrijednost javne nabavke roba: "Deterdženti za industrijsku mašinu za pranje veša" je do 12.800,00 KM (bez uključenog PDV-a).

Komisija za nabavku je imenovana Odlukom, broj: 06-11-617-1/24 od 10.06.2024. godine.

Obavještenje o nabavci, broj: 282-7-1-71-3-43/24, objavljeno je dana 11.06.2024. godine na Portalu javnih nabavki, kao i tenderska dokumentacija.

U roku utvrđenom za prijem ponuda zaprimljene su dvije ponude, a nije bilo ponuda zaprimljenih nakon isteka roka za prijem ponuda.

Na sjednici Komisije za nabavku održanoj dana 24.06.2024. godine, članovi Komisije su izvršili pregled i ocjenu dostavljenih ponuda ponuđača HAGLEITNER HYGIENE d.o.o. i GOLD MIGNON d.o.o. i utvrdili da je ponuđač GOLD MIGNON d.o.o. dostavio tehničke listove za ponuđenu robu neuvezane u ponudu, odnosno tehnički listovi ne čine sastavni dio ponude što nije propisano tačkom 14. TD Tehnička i profesionalna sposobnost čl. 49. Zakona i tačkom 17. Sadržaj, način pripreme i troškovi ponude u kojoj se navodi šta ponuda mora najmanje sadržavati, čime nije ispunio uslov tražen navedenim tačkama TD, odnosno njegova ponuda je nepravilna. Ponuda ponuđača HAGLEITNER HYGIENE d.o.o. ispunjava sve zahtjeve u pogledu dostavljene dokumentacije, opisa predmeta nabavke i tehničkih specifikacija.

Kako je utvrđeno da ponuda ponuđača HAGLEITNER HYGIENE d.o.o. ispunjava sve zahtjeve u pogledu opisa predmeta nabavke i tehničkih specifikacija i da je kao takva kvalifikovana i prihvatljiva za ugovorni organ, o navedenom je sačinjen Zapisnik o pregledu i ocjeni ponuda, broj: 06-11-617-4/24 od 24.06.2024. godine, a zaključen 28.06.2024. godine.

S tim u vezi, Komisija za nabavku dostavila je direktoru Kantonalne uprave civilne zaštite dana 01.07.2024. godine Preporuku o izboru najpovoljnijeg ponuđača, broj: 06-11-617-5/24 od 28.06.2024. godine i Izvještaj o provedenom postupku javne nabavke, broj: 06-11-617-6/24 od 28.06.2024. godine.

Na osnovu dostavljenog Izvještaja o provedenom postupku javne nabavke roba: "Deterdženti za industrijsku mašinu za pranje veša", utvrđeno je da su u predmetnom postupku javne nabavke roba dostavljene dvije ponude i to od ponuđača GOLD MIGNON d.o.o. čija ponuda je nepravilna jer nije dostavljena u skladu sa zahtjevima iz TD i ponuda ponuđača HAGLEITNER HYGIENE d.o.o. koja je dostavljena u skladu sa zahtjevima iz TD i da je kao takva kvalifikovana i prihvatljiva za ugovorni organ


Direktor Kantonalne uprave civilne zaštite Kantona Sarajevo nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija za nabavku u svemu pravilno postupila, te da je Preporuka o izboru najpovoljnijeg ponuđača data u skladu sa odredbama ZJN, podzakonskim i općim aktima.

Shodno navedenom, primjenom člana 69. stav (1) tačka a), člana 70. st. (1), (3) i (6) ZJN, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. ZJN. Ugovorni organ će postupati po žalbi na način propisan odredbama člana 100. ZJN.



Dostaviti:

1. Sektoru za materijalno-finansijske poslove KUCZ KS,
2. HAGLEITNER HYGIENE d.o.o., ul. Kninska b.b., 74400 Derventa,
3. GOLD MIGNON d.o.o., ul. Olimpijska bb, 71000 Sarajevo
4. www.kucz.ks.gov.ba,
5. a/a.

